



# Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 8 Yangia anidakangma : [f](#) Tir Yimyim [tir\\_yimyim](#)

[tir yimyim](#) TAPAK 7

Novak Djokovic Paris Masters  
nung masayatsü

Yunus sorkari Awami League  
indang youth wing nokdanger



VOL. XXII ISSUE NO. 16 (ADOK 16) DIMAPUR ROGONÜ (FRIDAY) MONGPUTENI (OCTOBER) 25, 2024

₹ 5.00

CSU-i NHIDCL anema longkak aitba anena atar

**Kohima, Mongputeni/Oct. 24** (TYO): Chakhesang Students' Union (CSU) ajanga NHIDCL anema anogo 15 atema longkak aita aliba khen atema anena atar ta sangdongogo.

Kaketshir temi tebilemtsü lemsatepba aser akhangba ama October 23, 2024 nü office of General Manager, NHIDCL PMU Pfutsero, Phek nungi telangzüba tajung aruba ajanga iba telemtetba ya agi, ta CSU tir Pfhulo Sara aser tongti zülur Kuzoto Swuro nati ashi.

Project menuba, libajen nung kongshiba aser nüburtemi jangraba ama timi inyaktsü densema onoki ken o balala benokba nenoki bentetsü mulunga aliba asoshi pelar, ta General Manager, PMU Pfutsero dangi kaketshir temi shiti ka züluba nung shia liasü.

Longkak aitba khen atema anena ataba ya NHIDCL nem parnoki nangzükba ama inyaktsü asoshi maongka agütsütsü atema lir, saka CSU saksalema alitsü aser maneni terenlok mapa meita reprangtsü, ta ashi.

"NHIDCL-i CSU dang

**Khehoi Camp nungi lenir 11 Maj.  
(Retd.) R.M Lotha telok dangi aru**

**Dimapur, Mongputeni/Oct. 24** (TYO): Tawa Niuland District kubok Khehoi Camp nungi kilonser asem, deputy kilonser trok aser tatar anati GPRN/NSCN indang tir Maj. (Retd.) R.M Lotha aser ato kilonser N. Kitovi Zhimomi lenisüba nung anidaktsü telemtetba akangshia agia liasü.

Parnokji Tokiho Aye (kilonser), Tokiho Tuccu (kilonser), Kakiho G. Zhimo (kilonser), Botovi K. Aye (Dy. kilonser), Akheto Swu (Dy. kilonser), Hojekhu Chishi (Dy. kilonser), Hotoshe H. Jimo (Dy. kilonser), Asheto Shohe (Dy. kilonser), Hokugha Awomi (Dy. kilonser), Mughato Muru (Tatar) aser NitohoAyemi (Tatar) alitsü, ta GPRN/NSCN indang sangdong ka ajanga ashi.

Khehoi camp nungi meiyipa arur temi yangji timtem balala ajuruba indang lemsatepa liasü. Camp telungzük nung pei asoshi bilema inyaktsü jangraba telok tila kati Deobarnü süaka tensa mejungi kimdkatsü ta parnoki ashi.

April 21, 2024 nü item nisungtem yagi mera tamajung agia iba mapang Unification nung ato kilonser inyaka alisang N. Kitovi Zhimomi mapa nungi anentsü. Iba inyaksangshi ya Army Coup ta ajatsü akok aser

Novak Djokovic Paris Masters  
nung masayatsü

Yunus sorkari Awami League  
indang youth wing nokdanger

NEPEx 2024 takok ngua agiogo, terenlok nüngdakba ajitet



State nung October 24, 2024 nü mock drill agiba sülen Capital Convention Centre, Kohima nung Advisor, NSDMA & NRE, Z Nyusietho Nyuthe aser Senior Consultant (ME&IRS), NDMA, MHA Maj. Gen Sudhir Bhal (Retd) nati osangbener den jemandidang tangokba noksa.

**Dimapur, Mongputeni/Oct. 24** (TYO): Nyusietho Nyuthe-i ashi.

District Headquarters ajunga Headquarters ajunga nung October 24, 2024 nü mock drill agiba sülen Capital Convention Centre, Kohima nung Advisor, NSDMA & NRE, Z Nyusietho Nyuthe aser Senior Consultant (ME&IRS), NDMA, MHA Maj. Gen Sudhir Bhal (Retd) nati osangbener den jemandidang tangokba noksa.

Ajungben lendong-tsüdöng ajuruba mapang telangzüba agütsütsü asoshi state renema aliba asadangtsü nükjidong nung state tesem ajungalen mega mock drill exercise ya agi, ta Advisor, NSDMA, Z

terenlok asoshi ajitetba tem lemsatepogo, ta Bhal-i ashi.

NDRF ket nung nüngdakba hadir aser resources lir, aser itemji iba ama lendong-tsüdöng mapang amshitettü aser tia maka lendong-timtem ajurura NSDMA ajanga item resources amshitsüla, ta pai ashi.

Lendong-timtem tulu ajuruba mapang amshitsü atema medical capacity renloksü asoshi lenmang bushitsü nüngdaker, kechiaser iba ama tensa nung asü-amar mesüra yirur alirtem anepalutsü medical tashi agi meperitsü, ta Bhal-i ashi.

Iba mock drill takok ngua agiteta atema paia NSDMA aser danga agency tem dang pelaba lemsatepa liasü.

**North East nung Nagaland ya Top 3 nung alitsüla: Advisor Hekani**



**Dimapur, Mongputeni/Oct. 24**

(TYO): Uttar Poorna Transformative Industrialization Scheme (UNNATI-2024) indang State Level Awareness Workshop ka October 24, 2024 nü Directorate of Industries and Commerce, Kohima nung agia liasü.

Iba workshop nung sentong akhumdong ka ama jemandidang, state nung UNNATI Scheme ajanga tajunglen temelenshi arudaktsütsü nükjidong nung iba sentong ya ayongzük, ta Advisor, Industries & Commerce, Hekani Jakhalu-i ashi.

Entrepreneurs, shishilempartem tajungtiba lenmang nung yaritsü atema sorkar aser department renema lir, ta Hekani-i ashi.

Director, Industries & Commerce, P. Tokuga Sema-i iba sentong tenzüka jemandidang, sorkar indang sentongtem nüburtem nem angatetdaktsütsü aser danga department aser stakeholders den lungjemer UNNATI Scheme mapa kuma inyaktsü kanga tongtipang lir, ta ashi.

Government of India-i maongka agütsüdang asenoki sen agizüksü memetetra, asen

business nung renloka tejakleni aotsü lenmang mesüra maongka malitsü, anungji stakeholders temi tejangraba nung iba scheme agitsü ayongzüker, ta pai ashi.

Fazlur Kabir Borah, Consultant, Grant Thornton Bharat LLP Consultancy, Guwahati ajanga UNNATI Scheme indang tejangja rasaa ashi.

Sentong nung sendaktepa aliba departments aser stakeholders tem den sensaksema mapang Penethung Lotha, Consultant, PIU aser Vimeyiel Richa, Branch Manager, NEDFI nati tali rajema angatetdaktsü.

Sentong nung T. Lemon Wangsha, Joint Director (Ind.& Com.) menden liasü aser K. Francis Hekavi, Joint Director (Ind.& Com.) ajanga melepzung o jembia liasü.

# State nung earthquake disaster mock drill agiogo



Mokokchung

Kohima

Noklak

Shamator

Phek

**Dimapur, Mongputeni/ October 24 (TYO):** Nagaland State Disaster Management Authority (NSDMA)-i ayongzüka October 24 nü state kübok tesem balala nung annual Nagaland Emergency Preparedness Exercise (NEPEX) 2024 ayongzüka agiogo. Mock drill ya 6.9 tesashi menoknok ka anokba ama agia liasü.

Kohima nunga iba sentong ya ayongzüka agiogo, kong emergency team tem renema aliba aser parnok tsüngda tesendaktep asadangtsü nükjidong nung Government Middle School (Bayavü), Directorate of Industries & Commerce office, Naga Hospital Authority Kohima

(NHAK), MiachieoLhithochü, aser Sanuorü Bridge ta tesem pongu nung agia liasü.

Dimapur nunga District Disaster Management Authority (DDMA) aser Home Department kübok Nagaland State Disaster Management Authority (NSDMA) na longjemer tesem tenet tashi nung iba earthquake disaster mock drill kanga takok ngua agiogo.

Kasa mapana nung Nagaland State Disaster Management Authority aser National Disaster Management Authority na longjemer Nagaland Emergency Preparedness Exercise (NEPEX) statewide Mega Mock Drill Exercise on atalokba mapa telangzüba

Earthquake disaster dak sendakba nung shilem ka ama Mokokchung District Disaster Management Authority-i ayongzüka iba Drill takok ngua agiogo.

State kübok tanga tesemtem den jangyu medema Wokha district nunga LMS school, PHED Office, Police point, Mhondamo Memorial Nursing Home aser APMC ta tesem pongu nung iba drill ayongzüka agiogo.

Maneni Noklak aser Peren jila nunga Nagaland Emergency Preparedness Exercise (NEPEX) nung shilem ka ama pei district Disaster Management Authority-i ayongzüka October 24 nü iba mock drill ayongzüka agi. District nung lendong balala atalokba mapa telangzüba

agütsütsü asoshi koba tashi renema ali, aji tendangtsü asoshi iba drill ayongzüka agiogo.

Tsemintu nung 6.9 magnitude menoknok anokba ajanga Tsemintu jila nung anentsü alua ki aika raksatsüba den kibong aika dak kongshiba jilushia iba mock drill ya ayongzüka agia liasü.

Kiphire nung mock drill ya 9:03 ako nung Public ground, DC Office, Agriculture Office aser Daily Market nungi siren ola agüja tenzüka liasü.

Chumoukedima nung mock drill ya North Town Higher Secondary School, D.C. Office Complex, Norman Putsure College, aser Vishal Market Complex nung agia liasü.

Mon jila nung District

Disaster Management Authority (DDMA) Mon aser Nagaland State Disaster Management Authority (NSDMA) & National Disaster Management Authority (NDMA) na longjemer mega mock exercise ayongzüka liasü. Drill mapang Deputy Commissioner Mon, Ajit Kumar Verma, IAS, responsible Officer aser ADC Hq. Mon, Pakon Phom Incident Commander liasü.

Maneni Brehostibarnü Longleng, Tuensang, Phek, Zunheboto, Shamator aser Niuland nunger ajak nung District Disaster Management Authority (DDMA)-i ayongzüka menoknok dak sendakba nung multi-state level mock exercise ayongzüka agiogo.

## Dimapur nung IPR awareness sentong agi

**Dimapur, Mongputeni/ October 24 (TYO):** Intellectual Property Rights (IPR) dak sendakba nung anogo ka atema awareness sentong ka October 24 nü E Space, Duncan Basti, Dimapur nung agiogo.

Iba sentong ya Intellectual Property Facilitation Centre, IDAN aser Nagaland Science and Technology Council (NASTEC) aser Educentre School of Business (ESB) nunger longjemer ayongzüka agia liasü.

Awareness sentong nung shisalen sayurji Limasenla Longkumer, Intellectual Property Rights Consultant, IPFC aser Gihukali Chishi, Technical In-Charge, Patent Information Centre NASTEC na liasü.

Sentong nung "Protection under Intellectual Property Rights" aser "Basics of Patents, Trademarks, Designs, and Trade Secrets" onüktem ayimjema agia liasü, kong kaketshirtem aser startups temi shilem agiogo.

Kasa mapang nung IPFC offices tasen amenoka indang metedaktsü, koba Dimapur atema Forest Complex, Dimapur nung Integrated Business Hub &

Innovation Centre nung amenoka lir aser Kohima nung IDAN office nung amenoka lir.

Investment and Development Authority of Nagaland (IDAN) ya State promotion agency ka lir aser iba yagi Nagaland nung project balala agütsüba nung tongtibang shilem agir.

IDAN nükjidongji Education, Healthcare, Skill Development & Employability, Entrepreneurship & Livelihood aser Community Welfare amala tongtibang lenlatem nung terenlok bener arutsütsü asoshi lir.

State nung entrepreneurs, startups aser innovators tem nem teyari agüja parnok lenmang shitaki anitsü aser parnok indang business commercialise sütsütsü atema project balala benoka aliba nung IPFC-a ka lir. Iba Centre ya tang mezüngbuba IDAN kübok Nagaland nung amenokogo.

Iba sentong ya Nikaholi Sumi, IPFC lenisüba nung agi, Lezo Putsure, CEO, Educentre-i lokti pela agizükba o jembi aser David Kire, OSD, IDAN-i tepela o jembia liasü.

## Chumoukedima Sr. Treasury Officer-i metedaktsü

**Dimapur, Mongputeni/ October 24 (TYO):** Chumoukedima Sr. Treasury Officer-i sangdong ka ajanga pensioners tem dang 2024 küm atema annual Physical Verification ya November 11 nungi 14, 2024 nü tashi agitsü ta metedaktsü.

Pensioner tem dang Life Verification Certificate aser tanga tenüngdakba kuli kakettem bener atakzükja aliba

anogotem nung verification atema arutsü mepeshia metedaktsü.

Tetuyuba sülen tashi anga manidakra pension sen sota ayutsü akok.

Life certificates aser PPO book ya November 1 nü nungi tenziika office mapang agütsütsü.

Atakzükja aliba mapa süitemba sülen shinga magizüksü, ta kasa sangdong ajanga metedaktsü.

## 'Weaving Dreams - A Tribute to inspiring women of Nagaland' sayaogo

**Dimapur, Mongputeni/ October 24 (TYO):** October 24 nü Oriental Grand, Kohima nunga Commissioner & Secretary, SCERT and School Education, Kevilenuo Angami-i Coffee Table book 'Weaving Dreams - A Tribute to inspiring women of Nagaland' sayatsüogo.

Laisa, SDG Essay competition 2024 aser State Level Workshop on SDG Indicators Reporting Mechanism dak sendakba nung takok angurtem nem tetushi agüja liasü.

Sentong nung o jembiba mapang lai, tanü sayaba Coffee Table Book ya Nagaland nung aliba tetsürtem ajungmesotsü atema lir ta ashi.

Kaket nung shisema aliba nisungtem yagi tetsükdaktsü balala ajangshiba, takok anguba aser parnok tejangrabatem indang shisema lir aser item ya ajak aser talisa lanurtem ajungmesotsü atema lir, ta lai ashi.

Kasa mapang nung lai SDG Essay Competition 2024 nung shilem agirtem aser takok

angurtem nem tenüngsang agütsü aser ashiba agi, parnoki Sustainable Development Goals nung shilem agiba ajanga tanü asenoki ajangshiba ken o tongtibang kanga aroka angatetba sayur.

Kevilenuo-isa, 'SDG Indicator Reporting Mechanism' dak sendakba nung workshop ya, 'Sustainable Development Goal's ajangzüksü asoshi asenok koda tejakdangi aor aji track asütsü, asadangtsü aser report asütsü atema kanga tongtibang lir, ta ashi.

Sentong nung okila jembiba mapang Nayantara Sasikumar, IES-i ashiba agi, iba kaket nung sector 10 nung tetsür 19 aser tetsüri aniba lokti tentet ana indang otsütem zülua lir, shirnoki tongtibang shilem agia national aser international jenjang nung parnok mapa tangari jangjaogo. Item tetsüri tem yagi tetsükdaktsü aika ajangteta education, entrepreneurship, Entertainment, Literature & Journalism, healthcare, disability, environmental conservation,

science & technology mesüra social services aser saisapong amala nung takok tajung ngutetogo.

Laisa, iba kaket nung densema alirtemi kanga atas-a parnok indang otsü lemsatepba atema kanga pelaba lemsatepa lassisü. Maneni lai, Annual SDG Essay Competition 2024 tanabuba nung takok angurtem nem tenüngsang agütsü aser ashiba agi, iba tetoktepba ya Nagaland nung lanurtem nem ola ka agütsü, parnok tebilemba lemsateptsü aser sustainable aser ajaki shilem agiteta tarutsü ka atema solution bener arutsü atema pei tebilemba lemsateptsü nükjidong nung ayongzükogo.

SDG Essay competition 2024 koba arishi küm 15 tekubok pur atema liasü, iba tetoktepba ya Dimapur nungi Bendangsola-i akok aser tanabuba jenjang nung Zunheboto nungi Kupuli X. Ayemi liasü. Arishi küm 16 aser temapur tetoktepba Kohima nungi C. Chingo Konyak-i akok aser Dimapur nungi Livika Sumi tanabuba jenjang nung liasü.

Sentong nungsa stalls, exhibition aser sales tem alitsü, koba college alumni tem densema department balala kaketshirtem achaayangsü.

## Fazl Ali College Melange 2024 tenzükogo

**Dimapur, Mongputeni/ October 24 (TYO):** Creative Arts Committee-i ayongzüka 'FAC Melange' Fazl Ali College nung 'Alchemy of Art' omen nung ajemdaker tenzükogo.

Melange sentong koba dang taoba mapang September Melange ta ja liasü, iba sentong ya anogo asem amunger aser College nung ajaki yongya ataba sentong ka lir, kong sempet aser tasa balala sayar.

'FAC Melange' lapokba

sentong nung college indang music club-i musical cultural fusion ka saya aser FACSU tatong tir Asensor Jamir-i lokti pela agizükba o jembia liasü.

"The Nagaland liquor Total Prohibition Act, 1989 should be repealed" onük dak ajemdaker tesayurtem exhibition debate sentong ka agi, aser iba ajanga tesayurtem, kaketshirtem aser tejaokertem asüngashidakja liasü.

Kasa anogo college principal-i newsletter 'Coll Buzz'

sayatsü, koba Department of English inakyim ka lir.

Taküm Melange nung painting, acapella, performance poetry, face makeover, FAC got talent, cosplay, musical recitation, photography workshop aser battle of bands amala tetoktepbatem densema lir.

Sentong nungsa stalls, exhibition aser sales tem alitsü, koba college alumni tem densema department balala kaketshirtem achaayangsü.



October 24, 2024 nü Pune nung Kothrud Assembly constituency nungi BJP candidate, Chandrakant Patil-i nomination file asüi aodang party pusemertemi pa meina aoba noksa nung angur. Taruba ita Maharashtra nung assembly elections agitsü.

## Tezungzütep agia alibatem akhümtsübutüsüla: S Jaishankar

New Delhi, Mongputeni/ October 24 (Agencies):

Russia kübok Kazan yimti nung BRICS outreach session nung jembidang India External Affairs Minister, S Jaishankar-i, rara aser mangatettep ken otem bentettsü atema ken o jembitsü nündak, ta ashi.

Paisa, kodang tezungzütep agiadokdir itemji shidak benshitsüla aser akhümtsübutüsüla, ta ashi.

Jaishankar-i, "Ato kilonser Narendra Modi-i tang putu ya raraba putu masü ta shiogo. Rara aser mangatettep ken otemji ken o jembiba aser yimtenren inyakyim ajanga bentettsüla. Tezungzütep kodang agiadokir itemji shidak akhümtsübutüsüla. International ozüngtemji shidak benshitsüla,"

ta metedaktsü.

Anogo ishika tejaklen India aser China natı arrtsülen mangatettep ken o kar benteta liasü. 2020 küm June ita nung anüdoklen Ladakh kübok Galwan Valley nung India aser China sepaitem tsüngda rara adokba sülen linük ana tsüngda tesendaktep mejungi aküm.

Ajisüaka tesüiba ita ishika India aser China ketdangsertem senden aiben mena ken o jembia aruba sülen Line of Actual Control (LAC) kübok point pezü nungi sepaitem ajak aienshitsü linük anati bangjema tezungzütep agiogo.

India aser China na tsüngda tezungzütep agiteteba ajanga tesüiba küm pongu tsüngda tang mezüng Ato kilonser, Narendra Modi aser China Tir

Xi Jinping na tsüngda senden mentetogo.

Kazan yimti nung Modi aser Xi na senden amendang Modi-i, alima nung tesünep atema India-China tesendaktepi kanga tongtibang, ta jembia liasü.

Brics Outreach session nung jembidang Jaishankar-i, kiralongra khenyongi magizüktettsüla, ta ashi. Paisa tang West Asia nung rara ya ajanga region nung rara tuluba adoktsüa akok, ta ashi.

"Middle East, West Asia nung tang tensa ya asenok atema tebilemtsü onük ka lir. Iba rara ya region nung proktsüa akok ta tsüber. Iba rara ajanga tzüyim nung shishilembaba jenjang-a raksatsüogo," ta paisa metedaktsü.

## J&K nung yimjung atema Centre-i Pakistan den jembitsüla: Mehbooba

Srinagar, October 24

(Agencies): PDP Tir aser taoba mapang Jammu & Kashmir chief minister, Mehbooba Mufti-i, India aser Pakistan na tsüngda tsükchitepba ajanga Jammu & Kashmir timtemer, anungji Centre sorkari Pakistan den ken o jembitsüla, ta ashi.



Dar den tunnel-construction company ka nung inyaker nisung trok khaseta liasü. Iba tatalokba nung asürtemji Jammu nungi architectural engineer Shashi Bhushan Abrol

den Bihar nungi aayanger asem— Faheem Nasir, Mohammad Hanif aser Abdul Kaleem, Madhya Pradesh nungi Anil Shukla aser Punjab nungi Gurmeet Singh nunger liasü.

2016 nungi 2018 küm June ita tashi Jammu & Kashmir nung PDP-BJP teloktep sorkar nung chief minister inyakla, Mehbooba-i, Centre sorkari Pakistan den ken o mejembiba ajanga yimjung inyakyim menor, ta aitsür.

Laisa, India aser Pakistan nati tetezü keta ken o mejembiba tashi Kashmir nung tensa tamajungba dang akümtsü, anungji Atal Bihari Vajpayee Ato kilonser inyakdang yimjung atema inyakba ama inyaktsüla, ta metedaktsü.

National Conference Tir, Farooq Abdullah-ibo, Pakistan-i nisung tepsetba manen tashi parnok den ken o mejembitsüla, ta jembia liasü.

## Kejriwal-i Maharashtra aser Jharkhand nung INDIA atema nüboyimtsütsü

New Delhi, October 24

(Agencies): Maharashtra aser Jharkhand assembly elections nung AAP tongti lenir, Arvind Kejriwal-i opposition INDIA teloktep nung aliba party tem atema nübo yimtsütsü, ta Brihostibarnü party osang ka ajanga metedaktsü.

Talisai Kejriwal-i Maharashtra nung Maha Vikas Aghadi (MVA) teloktep atema nüboyimtsütsü. MVA nung densema aliba party temji Uddhav Thackeray-i aniba Shiv Sena (UBT) aser Sharad Pawar-i aniba NCP-SP lir.

AAP ya opposition Indian National Developmental Inclusive Alliance (INDIA) teloktep nung densema lir. Taküm Lok Sabha election jakdang INDIA teloktep ya tenteta liasü.

AAP osang ajanga ashiba agi, Shiv Sena (UBT) aser NCP-SP-i Kejriwal dang Maharashtra nung parnok atema nübo yimjang ta mepishia liasü.

Jharkhand nunga taoba mapang Delhi chief minister, Kejriwal-i Jharkhand Mukti Morcha party atema nübo

yimtsütsü ajisüaka nüboyim sentongtemji tesülen ang sangdongtsü.

Taküm Lok Sabha election nung Delhi, Gujarat aser Haryana nung AAP-i Congress den lokteper toktepa liasü, ajisüaka Punjab nungbo AAP-i shinga den a meloktep.

Tawa Haryana assembly elections nunga AAP-i tangar den meloktep toktepa liasü.

Maharashtra nung MVA teloktep nung Congress-a densema lir aser Jharkhand nung teloktep sorkar nunga Congress densema lir.

Maharashtra aser Jharkhand na nung taruba ita assembly election agitsü.



Cyclone Dana agi Odisha kongshitsü mapang ana nung lia October 24, 2024 nü Odisha nung Indian Navy sepaitemi Humanitarian Assistance and Disaster Relief (HADR) operations atema renem dan tangokba noksa nung angur.

FORM NO. 14 [Regulation 33 (2) repringang]
<b>OFFICE OF THE RECOVERY OFFICER - I/II DEBTS RECOVERY TRIBUNAL GUWAHATI</b>
Suwana Bhawan, House No. 12, New Town Path, Near Hanuman Mandir, G.S. Road, Ulubari, Guwahati-781007 (Assam)
<b>DEMAND NOTICE</b>
NOTICE UNDER SECTIONS 25 TO 28 OF THE RECOVERY OF DEBTS & BANKRUPTCY ACT, 1993 AND RULE 2 OF SECOND SCHEDULE TO THE INCOME TAX ACT, 1961.
RC/146/2024
STATE BANK OF INDIA
- Versus -
CHINNY MAGH CHINNY MAGH
To,
(CD 1) Chinny Magh Chinny Magh, Ashwa Magh, Son Of Ashwa Magh, House No. 577, Block 3, Old Over Bridge Colony, Burma Camp, Kohima, Nagaland-797112
(CD 2) Smti Noami Buikh, Wife of Sri Chinny Magh, House No. 40, Kenuozou Hill, Lower Kenuozou Colony, Kohima, Nagaland-797001
<b>OA/107/2023</b> nung DEBTS RECOVERY TRIBUNAL GUWAHATI Presiding Officer tetuyuba nung agütsüba Recovery Certificate nung na (Jointly and severally Fully/Limited) anema <b>Rs. 36,28,441.09 (Rupees Thirty Six Lakhs Twenty Eight Thousands Four Hundred Forty One And Paise Nine Only)</b> den külemi pendentelite aser w.e.f. <b>01.03.2023</b> anoga nungi tenzüka sentüsü mouma tashi future interest @ 8.75% Compound Interest Monthly iba denji costs <b>Rs. 90,355 (Rupees Ninety Thousands Three Hundred Fifty Five Only)</b> sentüsü lir ta metedaktsü.
1. Recovery Certificate nung aliba sentüsü : Rs. 36,28,441.09
2. 01.03.2023 nungi 01.07.2024 tashi nung @8.75% interests : Rs. 4,55,439.22
3. Costs : Rs. 90,355.00
Total :- : Rs. 41,74,205.31
2. Iba notice sangdongba anogo nungi tenzüka anogo 15 tsüngda sentüsü agüjäng ta nü dang tuyur, ajimesüra Recovery of Debts Due to Banks and Financial Institutions Act, 1993 aser Rules nung ajemdaker sentüsü alangzüksü.
3. Taruba ken o angadangba anogo sangdongtsü nü dang tuyur.
4. Maneni ken o angadangtsü asoshi <b>18.12.2024</b> anoga nung anepdang 10:30 ako tashi nung tsünglangen sign süa alir matsüngdangi arutsü nü dang tuyur.
5. Tamalen shia aliba sentüsü denji külemi nai item sen-a agütsütsüa akümtsü:
(a) Item ama interests ji certificate/execution proceedings indang notice agütsüba sülen nungi tenzüka agütsütsüla.
(b) Iba notice aser warrant agütsüba aser sentüsü ajak alangzüksü atema inyaksangshidang teindokba sen ajaq agütsütsü.
<b>01.10.2024</b> anoga nung tsünglangen kü meyongnem aser Tribunal indang seal agütsür.
Recovery Officer-I Debts Recovery Tribunal, Guwahati



# TIR YIMYIM

## YIMOBILEM (EDITORIAL)

DIMAPUR ROGONÜ, OCTOBER (MONGPUTENI) 25, 2024

### Israel-Hamas rara anener asü ?

**A** senok aikati tang Israel nungertem Gaza Strip nung Hamas telok anema raraba ya Israel o Palestine na ratar amai bilemer saka ibai Isreal o Palestine nungertem na ratar masü saka Palestine nunger yimten nüchiso bushir Hamas teloki yaküm 2023 küm October 7 nü ajungbenka dang artsü rakpoka aruagi Israel nungertem ki tashi makyonga aruba anema Israel nungertem mang ayangtsü tenzükba mapka lir. Atangji, Hamas telokia tapi agi Israel nungertem amaker masü saka Israel lima kümpta alibaji Yihuda nunger lima masü saka Muslim nungertem lima ta parnokibo nokdaker. Hamas ta asuba 1987 küm Muslim nunger alima nung alir telongjem ka Muslim Brotherhood ta ser tentetba telok nung kongsang ka amai alitsü asoshi tentetba telok ka lir. Hamas ojang talangba nung "Harakat al-Muqawama al-Islamiya", tetezu Muslim nungertem ajak longjemer parnok tsükchir anema nokdakba telok, Islamic Resistance Movement lir. Iba telok yagi 1988 kümbo Yihuda nunger tepsettsü, Israel mali kuma raksatsütsü aser iba limaji Palestine lima kumer yangji Muslim nunger yimten yimli amenoktsü ta telemtetba tesashi ka agia liasü. Ajisüaka, 2017 kümbo parnoki parnoksasa Yihuda nunger tepsettsü ta asuba telemtetbajibagien saka alima nung Israel lima lir ta parnoki mezüngshir aser mezüngoker. Iba ama tekudak, tekong temerang aser ali jak nungi Israel samatsütsü bilemba telok denji yimjung agi teti asoshi yimten telemtetba ka agitsü tasak asuba agi Palestine nungersa süaka parnok den madener Fatah teloki Palestine lima kulen West Bank nung yimsü asur. Asenok Khristantemi balaka Laishiba ajanga Israel aser Palestine nunger otsü meteta lir, anungji tenaprongla alima nung tangar kintem ama pei yimten yimli kubok pei lima kaka kümpta alitsübaj temeten lir ta asenokibo bilemer. Aji oda, alima nung Isreal lima meshimeshia mali kümduktsütsübaj tasak aser kasaji Palestine lima mali kümduktsütsübajia temela masü, anungji tajung bilemer yimten lenirtembo alima nung Israel aser Palestine lima na prongla kidangersa yimjung nung alitsü asoshi tetsüngda nung ken o ia jembitsüner saka Hamas teloki memulunger. Ibayongji, West Bank nung alir Palestine yimten denbo kecha balaka tsükchitepa merarai akok tashi yimjung nung Israel aser Palestine yimten tebilemtsü ken o latettsü merangdagi. Kasaji, Hamas telokia angatet nungbo, October 07, 2023 lendong nung Israel nunger nisung meyirijang dak tali asütsüsa lendong matalokla aser iba lendong matalok asubo yaküm October ita nungi tang tashi nung Hamas telok aser parnok kubok alir Palestine nunger meyirijang lir tashi taküm mesamai lila. Aji oda, Hamas teloki Israel nunger jashidaktsüba ajanga tangbo Gaza nung dang masü saka Iran, Lebanon aser Turkey tashi nung Hamas telok den yariteper teloktem dena arishia oa amakba asenoki angur. Joko, tang tashi nung Hamas lenirtem ka khen, ka khen ta taoba hopta nung Israel nunger sepaitemi Gaza nung Hamas tongti lenir Yahya Sinwar khasetba tashi nung Hamas telok shibai koleni anitsüar memetetika kumogo. Ano, Hamas telok dang masü saka parnok yarir Iran asoshia maksü kaji par lima nung lia Hamas lenir Ismail Haniyeh-bo Israel nungertem nem khasetdaktsüba mapa to liasü. Atangji, tang tashi nungbo Israel nungertem Hamas telok tejenokdak makatsüsa makyonga odagi, anungji Israel ato kilonser Netanyahu-i ashi ama, tang tesusa Sinwar khasetba mapaji Hamas den raraba anen tetenzüker asütsüa akok. Ajisüaka, ano tang tashi Hamas ket nung October 07, 2023 nü pua bener aoer Israel nungertem kar lir, anungji itemji mechiock mesura meyipa bener marutet tashibo Netanyahu asoshi Hamas anema rara tongpang anenadoktsüba tebilemtsü tuluka asütsü.

# OLEMSABANG

## Sannuker Tajung

~ I. Yanger Jamir, Signal Angami Bosti

Yisui ashi, ni sannuker Tajung. sannuker tajungi santem asoshi pei takum yutsur = Yohan 10.11

Sannuker mapaji santem anir moapu nung rem chidakja aser ayongi anir oa Tzu jemdakja anishir aser san kar tarok nung asonger lira pa kut nung ama aliba ajok tekirak jagi iteter aser anogo piyong moapu nung chimdaktsur kidangi anir arur aser zungdanga kilong nung anioker.

Arogo aser Fellowship temji santem chiemba moaputemji lir. Anungji sannukeri Arogo/Fellowship nung aliba nuburtemji tsungdong oa Tsungrem o agi anepalutsu nungtaker. Santem tarok nung asonger aliba Sannukeri ajok tekirak agi iteta kumzuk ama nisung kar Arogo nutsung mekumteti lira aser libaliro nung mejungi alirtem sannukeri bushia oa Khristar arogo nung zunglokdaiksura ibaji Sannuker Tajung mapaji lir. Saka sannuker shibai office nung dang mener mesura athatsuba/lemzuktsuba mapatem dang inyaker, aji sannuker tajung masu. Saka Felipi 3.19 nung ashiba ama \* parnok tsungrem pei tepok lir, parnok uluba parnok maksu nung lir. Parnoki alima oset indang bilemer.

Arogoibo Sannukba nem talidak ki, chiyongtsu, abensoshi aser tongteprateptsu atema rongsen aguja yarir, saka Sannukbai san kidang aliba santem memetetra mesura samaa aliba san bushia moura pai Sannukba mapaji meinyaker.

Sannukeri Mati 5. 13-16 nung ashiba, nenok alima tesangwa, shingaia milen tsukloker molok telong nung mayur saka milen atalokdak dong nung ayur ta sayutsungir, saka platformji Sannuker aser Laishir atema tang ta bilembra milen tsukloker molok telong nung teyu ta sayutsungibaji tapet masu. Kechiyong Lai mashirtemia /non-theologian/ Tsungrem temeim kuli jembinur tema alitsu, ibaji angateta sempet akartem aser tangateter nema platform maongka kenkenbo agutsu nungbo Pastor/ Laishiri tsukloksuba milenji milendong nung ayubaji alitsu

Lipok 1.26 tang asenoki asen ama asen mesukba nung meimchir yangludi ta sur, tebur aser tetsur yanglu, shibai metet /Tsungrem/ dang metet/ meimchirtem ya tereprangtsu nung Tsungrem mesukba nung yanglu nungbo meimchirtem ajak ya soru ka dang sula, saka meimchir soru aika dang lir, anungji meimchir Tsungrem mesukba nung yanglu ta ashiba ya shisatsu temetetba nung asutsu akok.

**Theology\*** Tsungrem aser tamangba yimsu indang bushiba aser sayuba **Geology\*** Ali tema aser telong nung alibatem bushia shisatsu renlokba.

**Science\*** Tsungrem yangluba lima nung Anu, Ita, Petinu aser tanga Universe tem bushiteta asadangba.

**Medical\*** Takum aliba meimchir, shiruru, sungdonglidong ajak asoshi tanepetsu mozu bushitetba

**Arts\*** Nisunger libaliro, inyaksangshi, tongtepratepa liro medema alitsu indang sayutsu merangba, etc.

Theology ajanga Tsungrem indang sayuba amaji tanga subject tem jagia, nisung, shiruru, sungdonglidong koda junga aser kumzuka ayutsu iba indang sayur.

Arogoi mapang shia Seminar agutsur aser ibajibo teshimtet nubo tem shimteta agutsur, saka arok /public in mass/ ji bo Sentep kiji platform tajungtiba.

Alimaji kecha nunga mesendaki yinzudaktsur Yob 26.7

Anung temi Tsungrem sentsuwangshi metedaktsur aser anung telongtenbai Pa teka mapa indang sayur T. Ken 19.1

Theology, Geology, Science, Medical, Arts etc, etc ajanga Tsungrem indang aser Pa teka mapatem indang metedaktsur asunung aser sentepji tanu tensa platform tajungtiba asunung, item shisatsu tem bushia jembi nung amangertem takum libaliru aser tamang nung tajangzuk asutsu ta lemsateber.

**Iba Olemsabang nung lemsaba ken-o aser shisatsu ya iba ocet züluri bilemba ken-o ama tazüngeri angateta agitsü mepishir**

## Lotha nunger oshi nung adokba Engathe Nzanchi Bible sayaogo



October 24, 2024 nü Lotha Baptist Church, Dimapur nung Associate pastor, Dr Yanbemo Lotha aser Laishiba meyipzükä zülür, Thungjamo Odyuo nati New King James Version Laishiba nung ajemdaker Lotha nunger oshi nung meyipzükba Engathe Nzanchi Bible (ENB) sayadang tangokba noksa nung angur.

**Dimapur, October 24 (TYO):** Lotha-i iba kaket sayaja liasü. New King James Version ENB Laishiba Laishiba nung ajemdaker Lotha meyipzüksang Thungjamo-i, 2020 küm March ita nung wara anema tenokdangba aliba mapang nung iba Laishiba adoktsü apiteta liasü, ta metedaktsü.

Iba Laishiba ya Gift Ministry nung Director, Thungjamo Odyuo-i meyipzük. October 24, 2024 nü Bethel Faith School, Ar. Avung T. Memorial Hall Seithekema nung Lotha Baptist Church Dimapur nung Associate pastor, Dr Yanbemo

chiyungtsü, amoi aotsü, TV reprangtsü, phone ajanga medemertem den jembitsü aser aser anepdang nungi nikongdang tashi kaket azüngtsü dang liasü, ta ashi.

"Iba ama mapang ka nung Amongnü anogo ka nung Tenla kidangi moutetba ajanga ni Laishiba azüngtsü tenzük saka Lai tekong aika pungpabungbar liasü aser karbo English Laishiba den medemdanga mezünra angatetsü tasak liasü," ta pai ashi.

"Ibayongji yimtsüngtem nung English Laishiba junga mazüngertem atema ni bilema liasü. Anungji item ama nüngdakburtem yaritsü atema ni "New King James version" Laishiba nung ajemdaker Lotha oshi nung Laishiba meyipzük," ta paisa metedaktsü.

Thungjamo-i ashiba agi, iba Laishiba meyipzüksü atema pai küm asem ser ita 11 tsüngda (October 2020 nungi September 2024) ghonda 4,000 agia Laishiba nung kaket 27, tapu 260 aser Lai tekong 7,967 meyipzükba liasü.

Kaket sayaba sentong nungi Lotha Baptist Church Seithekema C choir-i ken aten aser Bethel Faith School-ia shilem ka agia liasü.

Iba sentong nung ojembirtem aikati kaketzülür nem tenüngsang agütsü.

Sentong tetenzüklen Senior Pastor, LBC Seithekema C-i Tsüngrem temoatsü meshia sarasadem aser Pastor Shaki Baptist Church, Libenthung Lotha-i sentong tembunga sarasadem.

Iba sentong ya Lopilo Lotha leniba nung agi aser Carol Odyuo-i tepela o jembia liasü.

## Africa tesem ajaklen yimsü temeden jenjang tamajungba akümer

**Ocober 24, 2024:** Tan hopta Mo Ibrahim Foundation-i report ka ajanga Africa tesem ajaklen ketdangsertemi tashi tali amshiba, security tensa tamajungba dang akümba aser tamangba yimsü temeden jenjang tamajungba dang akümba metedaktsüogo.

2014 küm nungi tenzük 'The Ibrahim Index of African Governance' report ya küm shia anaben renema sangdonger.

Mo Ibrahim Foundation-i, "Continent (Africa) nung nütsüng tesadang shi aliba tesemtem nungbo sorkar yimsüsüba 2014 küm dang nungi 2023 küm tamajungba. Africa nung nütsüng teimbaka atema security aser democracy jenjang kanga tamajungba kümogo aser iba continent nung nütsüng shilem 77 aliba tesemtem nungbo security aser democracy tensaji 2014 küm dang nungi 2023 küm tamajungba," ta metedaktsü.

Nigeria nung security tensa tamajungba dang küm. Security tsütsü 2014 küm Nigeria indang score ji point 43.9 liasü aser 2023 küm nungbo point 39.7 dang aküm.

Nigeria nung security tensa majungba ajanga senso ajak kongshir, ajisüaka talisa Middle Belt aser northern regions nung Khristantem tamajungba aliba temaitssü sayar.

Tesüiba küm aika tsüngda Nigeria nung Boko Haram aser Fulani densema telok balalai Khristan meyirjang aika tepsetogo.

2022 küm Armed Conflict Location & Event Data Project (ACLED) report ajanga ashiba agi, 2020 küm yimsü nung ajemdaker Khristantem anema inyakba shilem 21 liasü saka 2022 küm nungbo Khristantem anema inyakba shilem 25 aküm.

International Chrisitan Concern (ICC)-i 1997 küm nungi ACLED indang report asadangba ajanga bushitetba agi, Nigeria nung nisung puer aoba tatalokba shilem ishika dang Khristantem liasü, ajisüaka ICC-ibo Khristan süaka Muslim nunger süaka nisung puer aoba tatalokbatemji asadangra Muslim nunger dang nungbo Khristantem puer aobaji terben agi teimba lir, ta ashi.

Africa nung nütsüng teimba aliba linük, Nigeria nung oshi 525 lir, aser ibaji ajanga iba linük nung telesma kanga aliba temaitssü sayar.

## ANOGO ABEN TSÜNGREM DEN

### Asenok jungkai adokba ajanga alir

*Kong ainkar sayutsüngi mali, nübur tesoetba mali saka shibai ozüng benshir pa temoatsüba.*

*A. Shin 29:18.*

Alimaji mangdang agi anir. Tsüngremer nübur jungkai adokba ajanga alir. Alimai nükjitung aser alizüng atongtsü bushir. Nüburtemi tulutiba aser jangratemtsü temulung asütsü bushir koba asoshi parnoki parnok taküm yutsür. Institutionsi alizüng ayur aser ibaji tongtetsü asoshi parnoki tentet tentetter. Tsüngremer nüburi lemang balaka nungi inyaker. Khristantem parnok taküm Tsüngrem jungkai adokba nung yanglur. Asenok tarutsü taküm asoshi kechi tajungtiba asütsü ta bilemer ta Tsüngremi asenok tebilemba masüngdanger. Pai asen nüngdak metetta kar. Tsüngremi asenok nungi aginübaji Pai Pa mulungjang nung aliba jungkai adoktsüba aser asenok asoshi Pai mulungba kechi lir iba nung asenoki temulung agütsüdaktsüner, kechiaser Tsüngremer lemangtemji asenok lemangtem masü! (Isa. 58:8-9).

Kodangsa nüburi pei taküm Tsüngremer jungkai adokba mamendaklir parnoki tazüokba ajak magizüker. Iba tetezü parnok nükdang kechi junger ta bilemer aji inyaker. Parnoki parnok alizüng ayur, parnok nüngdaktem yanglur aser Tsüngrem dang moajang ta sarasademer. Khristan karbo Tsüngrem nungi talangka pilar alir aji saka parnoki sarasademtsü jangrar aser Tsüngrem dang parnoki merangba nung moajang ta asüngdanger!

Na asoshi Tsüngremi mulungba lemang metettsüba Pai ne dang jungkai adoktsüba dang lir. Nai ibaji nai mulungba lemang nung kodanga mangutsü mesüra memetettsü. Kodang nai Tebu dang angashir, indangyongjisa ne taküm asoshi mapa kar: tashi angaba. Apijemtsü Shin züluri ashiba ama: "Shibai ozüng ayur pa tepelatsü."

## Christian Alliance for Orphans ministry küm 20 jungogo

**October 24, 2024:** Christian lenirtem dang Tsüngremi Alliance for Orphans (CAFO) melungba mapa inyaktsü ministry tenzükba sülen küm 20 ayongzükliasü.

Medefind-i, "Tsüngremi nü Tawa Nashville, Tennessee taküm nungi taginüba tulutibaji nung aliba Brentwood Baptist asenoki Pa atema inyaktsüba Church nung CAFO ministry mapatem masü. Pai dang melungra asenok madenyonga Pai inyaktettsü. Pai asenok Pa jabaso ama kümdaktsüner.

2004 küm Little Rock, Arkansas nung Khristan lenir 29 senden amenba mapang nung CAFO ya tenteta liasü.

Iba senden nungi tekülem aser tetushi ken asem "Faithful to Me," "Home in the Family" aser "What's a Father's Like," sayaa liasü. Kasa senden nungsa tsüraburtem aser lajar anepalurtem asoshi kaket tasen ana saya. 'Overcoming: What

Adoption & Foster Care Analysis and Reporting System-i ashiba agi, 2022 küm U.S. child welfare system nung tanur 369,000 shi liasü.

CAFO küm 20 ajungba sentong nung okila jembidang CAFO Tir, Jedd Medefind-i Wilke-i zülbua lir.

**AO OSHI ANGAZÜKDAK:****TANÜ ANGAZÜKTSÜBA OJANG**

Tir Yimyim

**Tapak**


(adj) kaket nung tu lutet shia tip külen (page)

\* Ni amshiba Laishiba nung tapak ajak agi 1247 lir.

**Tapak**

(adj) tamatsük (flat)

\* Long tapak ka nung onok ajak mener noksa agi.

**OLONG PAITEP # 6961****TIPLÉN**

- |                       |       |                               |       |
|-----------------------|-------|-------------------------------|-------|
| 1. Balaka             | - (5) | 2. Hai sur inyak              | - (4) |
| 6. Aika shirangba     | - (4) | 3. Aor tenüng ka              | - (6) |
| 7. Tar tatsü          | - (6) | 4. Ali telungi talangka lur   | - (5) |
| 9. Nenü'er jabaso     | - (4) | 5. Tebang kenyongi mazüoker - | (4)   |
| 10. Sen latettsüba    | - (7) | 8. Ken atema anenzükertem -   | (5)   |
| 11. Tangar kübok alir | - (4) | 9. Toktepa noktak             | - (5) |
| 14. Lon nung inokba   | - (6) | 10. Sen                       | - (6) |
| 15. Tzü ayimdak       | - (4) | 11. Benjong agi               | - (5) |
| 16. Ajok              | - (5) | 12. Telung nung rizünga ayu   | - (4) |
|                       |       | 13. Tebang nung enok          | - (4) |

**OLONG PAITEP # 6960 TELANGZÜBA****TIPLÉN :**

- |                                  |                                 |
|----------------------------------|---------------------------------|
| 1. Aben, 4. Artsü, 7. Lisem,     | 1. Aruli, 3. Balala, 5. Suwar,  |
| 8. Liwa, 9. Sarasadem, 12. Aket, | 6. Belem, 9. Sükak, 10. Aonung, |
| 14. Mangu, 15. Anünü, 16. Ango.  | 11. Dokan, 13. Tinu.            |

**LANGTSÜNGLEN**

ICC Men's T20 World Cup Sub-Regional Africa Qualifier nung Bodhbarnü Gambia den asayaba mapang Zimbabwe team-i run 344 yanglua T20I world record tasen ka yangluogo. Taoba mapang Nepal-i Hangzhou Asian Games nung Mongolia den asayaba mapang run 314 yanglua otsü tasen ka yanglur aliba Zimbabwe-i ajatetogo. Asaya nung captain Sikandar Razi-i out mesüi ball 43 nung run 133 yanglua liasü. Pai six 15 aser four 7 züka Zimbabwe nunger rongnungi T20 internationals asaya nung century yangluba mezüngbuba asayar kümogo.

**Tripura nung CM Manik Saha-i MSSKA 7.0 amenoktsüogo**

**Agartala, Mongputeni/ October 24 (Agencies):** Tripura nung Brehostibarnü Ambassa Town Hall nung Mukhyamantri Susthyo Shoishab, Sustho Koishore Abhiyan" (Healthy Childhood, Healthy Adolescent Campaign) 7.0 amenokogo.

Iba sentong ya National Health Mission Tripura aser Tripura sorkar Health and Family Welfare Department na longjemer ayongzük aser Tripura Chief Minister, Professor Dr. Manik Saha-i milen tsüklokja tenzüktsüogo.

Sentong nung Dhalai Zilla Parishad indang Sabhadipati Susmita Das, MLA Chitta Ranjan Debbarma, BAC mendenbuba Parimal Debbarma, Health Secretary Kiran Gitte, aser Ambassa Municipal Council Chairperson-in-Charge Gopal Sutradhar nunger den tanga kettangsürtemia shilem agia liasü.

Iba sentong ayongzük agiba Paisa, lokti-i shilem agitsü

mapang tanur aser tainlonglongtem nem deworming mozü aser tanga vaccine tem agüja liasü. Iba campaign ya tanur arishi küm 1 nungi 19 tsüngda alirtem nem tenüngdakba mozü agüja, state health department tawabangba kübok parnok anema tokstsütsü nükjidong nung tenzükogo.

"Mukhyamantri Susthyo Shoishab, Sustho Koishore Abhiyan 6.0" kanga takok ngua benokba atema Unakoti district nem tetushi agüja liasü.

Sentong nung o jembiba mapang Chief Minister Dr. Manik Saha-i, tanurtem anema tokstsütsü kodang tongtibang iba indang lemsatep. "Tanü tanurtem ya asen tarutsü lir. Iba campaign ya parnok ajangzükdaktsütsü atema lir. Anema melira kecha takoktsü mali. Tanurtem lanuwa nungi anema lira parnok kaket shisatsü bushiba aser terenlok nung tetsükdaktsü madoktsü," ta liasü.

CM-i ashi.

Iba sentong ayongzük agiba Paisa, lokti-i shilem agitsü

koda tongtibang iba indang lemsatep aser ashiba agi, "anema aliba lokti ka yangertsü atema iba amala inyakyim ya school aser college tem nung ayongzüka agir. Health worker tem süngolu nungi orphanage tem tashi kinük kisang ajak tonga oa campaign kübok tanur ajak ayimjemtsü."

Chief Minister-isa, iba campaign kübok taküm beneficiaries lakh 11 meyirejang 36 ayimjemtsü nükjidong aliba metedaktsü. Pai, "State nung healthcare sector nung temelensi tulu bener aruogo. Onoki DoNER Ministry ajanga project tasen pongu asoshi sen crore 515 lemzüksüogo. Maneni Agartala Government Medical College nung menden 100 aliba nungi 400 kümtsüogo," ta ashi.

Iba sentong nung department kettangsürtem, healthcare workers, ASHA workers, Anganwadi workers aser school balala nungi kaketsirtemi shilem agia liasü.

**Manipur Police-i nisung puraoerana Assam police nem agütsütsü**

**Imphal, Mongputeni/ October 24 (Agencies):** Manipur nung alir ka pur aoba nung aija alir ana Manipur police-i Assam police nem bendanga agütsütsü.

Manipur nung Jiribam police-i Bodhbarnü, Assam den arrtsü nung Jiribam district kübok Kashimpur Balijuri yimtsüng nung alir Md Saiyur Uddin pur aoba atema nisung ana pua liasü.

Saiyur Uddin ya Assam nung Cachar district kübok Jiribam district nung Lalpani Part-II yimtsüng nung alir Salim Uddin (24) aser Assam

Kapakhal yimtsüng nungi October 21 nü nikongtsütsü pur oa liasü.

Ajisüaka pa ya Manipur nung Jiribam police-i meita aoba sentong ka ayongzük agiba sülen October 22 nü anepdang kümzüka liasü.

Meita aoba mapang Saiyur Uddin pur aoba nung densema alitsü ta temulung melemi bilemba nisung ana pua liasü.

Aija alisang ana ya Manipur Police-i tang aija alisang ana ya Assam police nem bendanga agütsütsü, kechiyong nisungba ya Assam nungi pur oa liasü.

kübok Karimganj district nung Akbarpur yimtsüng nung alir Soriful Islam (26) ta jangjaogo.

Assam nung Cachar district kübok Lakhipur subdivision nung Jirighat Police Station nung nisung pur aoba ken o benoka liaka aija alisang ana ya tang Manipur nung Jiribam police ket nung lir.

State ana police tsüngda tongtepratepba sülen Manipur Police-i tang aija alisang ana ya Assam police nem bendanga agütsütsü, kechiyong nisungba ya Assam nungi pur oa liasü.

**Aizawl nung heroin benziba aliba atema nisung 3 apu**

**Aizawl, Mongputeni/ October 24 (Agencies):** Aizawl nung lokti tentet balai teyari agüja Mizoram excise and narcotics department-i meita aoba sentong ana ayongzük agiba mapang heroin benziba aliba atema tetsür ka densema nisung asem puogo, ta excise & narcotics department-i sangdong ka ajanga metedaktsü.

Kasa sangdong ajanga ashiba agi, Young Mizo Association (YMA) Rangvamual unit nungi volunteer temi teyari agüja

excise and narcotics department kettangsürtemi Aizawl tezülen Rangvamual tesem meita aoba mapang heroin gram 59 pua liasü.

Temesepba mozü ya Rangvamual (V-Section) nung alir Lalrinsangzuali (41) aser Aizawl kübok Vaivakawn tesem nung alir Lalchhanhima (38) na ket nungi nguteta liasü, ta kettangsürtemisa metedaktsü.

Kasa sangdong ajanga ashiba agi, Young Mizo Association (CYMA) meita aoba mapang excise department aser Central Young Mizo Association (CYMA)

anti-drug squad nati Mizoram nung Champhai district kübok Tlangsam yimtsüng nung alir Vanlalfela (29) ket nungi heroin grams 172 nguteta liasü, ta kasa sangdong ajanga metedaktsü.

Aija alir asem ya Narcotic Drugs and Psychotropic Substances (NDPS) Act, 1985 kübok section tapet dak ajemdaker aitsüogo.

Parnok asemprongla Bodhbarnü Aizawl nung special court (NDPS Act) ka matsüngdang nokdakogo, ta kettangsürtemisa metedaktsü.

**GOVERNMENT OF NAGALAND  
OFFICE OF THE DIRECTOR GENERAL HOME GUARD, CIVIL DEFENCE  
& STATE DISASTER RESPONSE FORCE, NAGALAND, KOHIMA.  
CORRIGENDUM**

NO.HG/Estt(A)-3/ 2021 : In pursuance to P&AR OM No.AR/GEN-6/7/2024/A dated 15th October 2024, the Age relaxation of the advertisement vide Order No.HG/ESTt(A)-3/2021 dated 7th October 2024 is as under:

**Age as on 01-01-2024:**

Minimum : 21 years

Maximum : 32 years

**Age Relaxations :**

a) Scheduled Tribe (ST): 5 years relaxation (upper age limit of 37 years).

b) Government Employees: Relaxation equal to years of service served subject to a maximum of 5 year.

Sd/-

**AOTEMSU, IPS  
Commandant General.**

## Turkey-i Iraq aser Syria nung tesem kar amak

Ankara, Mongputeni/Oct. 24 (Agencies): Turkey indang Air Force ajanga Iraq aser Syria nung Kurdish targets nung amak, koba sorkar meyong defence company ka nung amakba nung nisung pongu tepseter nisung 20 dak tema yirutsüba tayang kepzükba mesüka lir.

Ministry of National Defence ajanga Bodhbarnü tayimtsü amshia targets 32 samatsüogo ta ashi saka parnoki amakba tesemtem indang osang tejangja magütsü. Civilian nem timtem magütsü asoshi jelia mera ajak agia liasü ta ashi.

Kurdish fighters südi ta temulung melemi aliba nisungtemi aerospace aser defence company TUSAS nung tapoktsü oset yutsür injang khaloktsüba sülen iba osang ya sangdong. TUSAS nungya civilian aser military tayimtsütem, unmanned aerial vehicles (UAVs) aser danga defence industry aser space systems yanglur.

Kurdistan Workers' Party (PKK) ajanga iba mapa tamajung ya inyak südi ta amanger, ta Interior Minister

Ali Yerlikaya-i ashi. Defence Minister Yasir Guler-ia PKK dak temeyong tuluktsü.

"Onoki item tamakitsü PKK nem mapang shia pari langa aliba temerenshi agütsür. Saka parnoki kodanga meshisadanger. Kiralngrar tesüsa mesamatsü tashi onoki bushitsü," ta Guler-i ashi.

PKK nungi sangdong kecha agüja mali.

Tepuokdak yua alisang PKK lenir Abdullah Ocalan-i azüdkshi mapa meinyakra aser par telok shibangra pa tepuokdak nungi chioktsü akok, ta Tir Recep Tayyip Erdogan' er Justice and Development Party (AKP) den tesendaktep aliba far-right Nationalist Movement Party (MHP) lenir Devlet Bahceli-i shir anogo ka dang lir TUSAS nung iba lendong ya atalok.

Russia nung BRICS senden amentsü lia Russia Tir Vladimir Putin den senden ka amendang kiralngrar yimya amshia amakba aitsür, ta Erdogan-i shia liasü.

Ankara nung aliba Iraq embassy-ia TUSAS amakba aija sangdong ka agütsü.

Iba sangdong nung, yimya ajak nung kiralngraba aser tashiyim amshiba magizükba nung Iraq ajang-ajanga nokdaka lir aser Iraq sorkar aser nüburtem Republic of Turkey indang sorkar aser nüburtem den dena lir, ta ashi. Küm tetenzüklen Iraq-i PKK nokdangba sangdonga liasü.

Turkey-i mapang shia Iraq nung PKK aser Syria nung PKK den sendaktep aliba Kurdish telok ka anema tayimtsü amshia amaker.

Kurdish fighters anema raraba nung Turkey jenjang ajungba ya TUSAS ajanga yangluba UAVs ajanga lir.

Ocalan' er telok yagi southeastern Turkey nung autonomy atema 1980s nungi rara arur, aser iba rara nung nisung meyirijang aika tepsetogo. Iba telok ya Turkey aser Western allies temi kiralngrar telok ka ama züngshir.

Turkey nung Kurdish bhukumba DEM party-ia TUSAS amakba aitsü aser rara tatem kati arutsü asoshi jembishinü tenzüktsü lenmang lapokba mapang ibai ataloker, ta ashi.

ajanga ashi.

Local media ajanga video tem prokshiba nunga teburchanu kati meta nung aliba armoured Israeli four-wheel drive nung long ka agi aon aser pa dak injang khaloktsü ali nung laoba nguogo.

Hawash ya Israel sepaitem asoshi lendong balaka meliasü, ta occupied Palestinian territory nung OHCHR indang office ajanga ashi.

Deobarnü Hebron nung Israel sepai temi arishi küm 17 tain ka dak tekolak nung injang agi akhaba sülen Hawash khaseta osang ya angashir.

Anogo asem tejakkang Hebron governorate indang Arroub refugee camp nung Israel sepaitemi arishi küm 11 tain ka dak tekolak nung injang

khalokja kanga sashia yirutsü.

Mongulbar aonung Israel army temi West Bank nunga Nablus, el-Bireh yimti, Deir Abu Mishal jila, Ramallah anüolen tsütsü, Balata camp, Nablus anüdklen, Fawwar camp aser Hebron south tsütsü sapanga liasü.

Fawwar refugee camp nung Israel sepaitemi nisung tenet apu, ta Palestinian news agency Wafa ajanga ashi.

Iba den külemi al-Hadab yimtsüng nung Israel sepaitemi nisung ka apu aser Hebron southwest tsütsü Dura jila nunga nisung asem pua liasü.

West Bank nung küm shia amungba Simchat Torah benjeng amungba mapang Israel-i tanen makai nisung tepseter aser apur.

Russia ozüng yanglurtemi North Korea defence treaty agizükogo

Moscow, Mongputeni/Oct. 24 (Agencies): Brehostibarnü Russia ozüng yanglurtemi ajungia mulunga North Korea den defence treaty ka yanglue aliba agizükogo, anungji ibaji ajanga timtemba mapang kati ka yaritsü melar.

Pyongyang-i training agitsü atema sepa meyirijang aika Russia nung yoka lir aser parnok ya Ukraine nung tongpang nung nokdakdaktsütsü akok, ta United States aser South Korea linük temi amanger.

Kremlin-i item osang nung telangzükba magütsü aser

North Korea den treaty yanglue aliba nungya tetetzü tejangja lir aser ojangtem jangashitsütsü menüngdaker ta ashi.

State Duma indang lower house nung ozüng yanglurtemi iba treaty agizükü vote agütsüba 397-0 liasü, koba tang temaba Federation Council dangi agizüktsü atema yoktsü. Parliament indang house anaprong ya Kremlin asoshi tetsükdaktsü mali.

Russia-i 2022 küm nungi Ukraine amak tenzükba sülen Pyongyang aser Moscow tesendaktep tajungba kumogo

aser North Korea lenir Kim Jong Un-i Putin ya par linük asoshi tembar tajungtiba ta ashi.

Ukraine amakba nung amshitsü atema North Korea-i Moscow nem nok-nü agütsü tenzükogo südi ta anüolen linük temi amanger.

Russia Tir Vladimir Putin-i June ita Pyongyang semdangba mapang iba defence treaty nung meyongnem agütsü, saka Moscow indang nuclear umbrella yagi Pyongyang awajemtsü asü masuar mejangja aser ano iba tezungzüktep aika mejangjai lir.

Government of Nagaland  
Office of the Sub-Treasury Officer

Changtonga: Mokokchung

### METETDAKSÜR

Changtonga Sub-Treasury kübok Pensioner ajak 2024-25 Period atema Physical Verification agitsü. Anungji agüja aliba anogotem nung kuli tabensa bener Treasury Office-i arutsü metetdaktsür. Mapang 10:00 Am - 04:00 Pm.

- a. Life Pensioners : 13th Nov. 2024
- b. Family Pensioners : 14th Nov. 2024

Sd/-  
Noklemba  
Sub-Treasury Officer

In the Court of  
Principal District Judge  
Mokokchung: Nagaland

S/C. No. 124/2024

### NOTICE

NOTICE INVITING CLAIMS/OBJECTIONS OF OTHER CLAIMANT(S) FOR ISSUE OF SUCCESSION CERTIFICATE UNDER PART-I OF INDIAN SUCCESSION ACT 1925.

Whereas an application under Succession Act 1925 for grant of Succession Certificate for the estate/pension benefits of Late Imsuwati Ao has been applied by Smti. Zulunaro W/o Lt. Imsuwati Ao R/o H. No 118 Kapayong Sector, Mokokchung Village, Mokokchung, Nagaland for possession of:

- 1. Family Pension, PPO. No. NE-4837
- 2. Closing of A/c.


Notice is hereby given that any person having interest on the administration of the estate/pension benefits of the said deceased may if she/he so desire appear in this Court on or before the said day of 23.11.2024.

Given under the hand and seal of the Court on this day the 23.10.2024.

Sd/-  
Principal  
District Judge, Mokokchung

## Yunus sorkari Awami League indang youth wing nokdanger

Muhammad Yunus



Dhaka, Mongputeni/Oct. 24

(Agencies): Brehostibarnü Bangladesh-i ato kilonser

menden nungi atsüngdoker alila

Sheikh Hasina' er party indang

student wing nokdangogo, aser

Hasina atsüngdoka longkak

aitba mapang azüdkhiba nung

shilem agia lir ta aitsür.

Hasina anema longkak aiter

tsüngta timba ratratepa liasü.

Tan ita Bangladesh nung

aliba court kati jena orr alila

linük lenir aputsü totuyuba

agütsü, shiba yimsüsüba

menden nungi atsüngdokba

anogo India-i jena ao.

Lar yimli laoba sülen Hasina

den sendaktep alir aika apu,

shirnok police temi longkak aiter

pua merenshiba mapang aibelen

mapa inyak ta aitsür.

Awami League nungi taoba

cabinet minister aser lenirtem

puogo aser lar sorkari shima

aliba ketdangsürtem courts aser

central bank nungi anentsügo.

Ajisüaka Hasina ya

helicopter ka nung linük yutsür

jena aoba sülen yimjak nung

mangur.

Arishi küm 77 tain Hasina ya

tesüsa New Delhi anasa

military airbase ka nung aliba

meteta lir.

La India nungjenokba ajanga

Bangladesh nung la melenba

interim administration mepelar.

Hasina melen Nobel Peace

Prize angur Muhammad Yunus

shim, shiba la jener anogo ishika

lir interim administration anitsü

tenangzüktep agia liasü.

Saka arishi küm 84 tain

Yunus asoshi tayongzükba jenti

lir aser tarutsü nung nisung ka

kijai tashi ajunga amshia yimsü

mesüdaktsütsü mechi

administration aser obendangba

tsütsü temelensi tulu

nüngdaker.

## Super Seniors MDFA Trophy 2024 Semi Finals asayatsü jenjang ajangzüktetogo



Imkongmeren Sports Complex Mokokchung nung October 24 nü Super Seniors aser M.M.S.C tsüngda MDFA Trophy 2024 tasembuba quarter finals asayaba mapang nung tangokba noksa.

**Mokokchung, October/ Mongputeni 24(TYO):** MDFA Trophy 2024 tasembuba quarter finals tanu nikongdang 1:00 PM nungi tenzüka Super Seniors aser M.M.S.C tsüngda asayaogo. Tanu iba quarter finals asaya nung Match Patron Er.Achanger T.Aier SDO Electrical liasü.

Iba asaya nung telok kokteta nguteta MDFA Trophy 2024 Semi Finals asayatsü jenjang ajangzüktetogo.

October 25 nü Pezübuba Quarter Final nikongdang 1:00 PM nungi Telongjem FC aser Eastern Wing tsüngda asayatsü aser iba asaya nung match Patron Er.Sentiwapang Asst.Engineer,Electrical. Nagaland University alitsü.

## Taoba India tetsür Hockey team captain Rampal asaya nungi anenogo



**Mongputeni/October 24,** 205 idaktsüogo.

**2024 (Agencies):** Taoba mapang India tetsür hockey team captain Rani Rampal-i Brehostibarnü la asaya nungi anisüngzüksü telemtetba agiba sangdongogo. Küm 16 asayaba mapang lai asayar aika ajungmesoba sülen tang la asaya nungi anener.

Arishi küm 29 tain Rampal lenisüba nung India team 2021 küm Tokyo Olympics nung pezübuba nung tembanga liasü, koba Olympics ka nung India tetsürtem asoshi tang tashi nung jenjang tajungtiba lir.

“Kanga jangradema asayaogo. Ni mapang talangka India tenüng nungi asayatsü ta bilema maliasü. Ni lanuwa nungi sensaktia aika ajangshiogo, saka linük tenüng nungi asayatsü atema ni rangloker liasü,” ta lai osangbenertem dang ashi.

La arishi küm 14 asüba mapang 2008 küm Olympic qualifiers nung mezüngbuba international jenjang nung asaya. India tenüng nungi asaya 254 nung asayaba mapang lai goal

asayartem indang national coach asütsü shimogo.

Rampal-i ashiba agi, Olympic nung medal manguba atema jashia bilemer, saka India team tejakdangi oa Summer Games atema atonga qualify asüba ngua la kanga pelar.

## Novak Djokovic Paris Masters nung masayatsü

**Mongputeni/October 24, 2024 (Agencies):** Novak Djokovic-i Bodhbarnü sangdong ka ajanga pa taküm Paris Masters nung masayatsü ta shiogo, koba pai tenet tashi koker lir.

Arishi küm 37 tain asayar yagi iba osang Instagram ajanga lemsatep aser ashiba agi, “tia maka ni taküm Paris Masters nung masayatettsü.”

Djokovic-i ashiba agi, pa Paris Masters nung jangardema asaya-a tajangshiba tajung aika lir aser taruba küm meyipa arutsü. “Ni iba asayamung tenetben tashi koka tajangshiba tajung aika lir, aser taruba küm meyipa arur asayatsü imlar. Iba asayamung nung ni asayatsü imla atartem dang tatok meshir,” ta pai zülutsü.

Djokovic-i Masters titles 40 aser Grand Slam 24 koka lir, ajisüaka takümbo pai junga masayateti arudar. Taküm pai asayamung ka dang akok aser Olympic nung gold medal nguogo, koba pa indang career nung takok marok 99buba akokba liasü. Ajisüaka pai Grand Slam pezüprongla nung Jannik Sinner aser Carlos Alcaraz na majangtet.

Sinner-i Australian aser US

## Dibrugarh nung U13 national badminton asayamung ayongzüka asayatsü

**Dibrugarh, Mongputeni/ October 24 (Agencies):** Assam kubok Dibrugarh yimi nung tang mezüngbuba All India Sub-Junior Ranking Badminton Tournament 2024 (U-13 Boys and Girls) October 25 nungi October 30 tashi ayongzüka asayatsü.

Iba tetushi asayamung ya Assam Badminton Association (ABA) aser Badminton Association of India (BAI) tawabangba kubok Dibrugarh District Sports Association (DDSA)-i ayongzükogo.

Iba asayamung ya Dibrugarh indang Multipurpose Indoor Stadium nung asayatsü.

Asayamung qualifying round tem October 25 aser 26 nü asayatsü aser main draw October 27 nungi 30 tashi asayatsü.

Asayamung nung linük kubok state 26 nungi tanur asayar 354-i shilem agiba angutsü. Iba asayamung ya sub-junior badminton asayartem kanga dang yonga ataba asayamung ka lir.

All India Sub-Junior Ranking Badminton Tournament nung shilem agitsü aliba state tem tajung ka agütsü.

Iba asayamung ya Dibrugarh asoshi alizüng tasen ka tongtetba lir, kechiyong iba asayamung ajanga yimi ya national badminton sabangi ayaoka aier aser lanur asayartem nem parnok sempet sayatsü aser temaba jenjang nung tokteptsü atema sabang tajung ka agütsü.



Open koka Djokovic ajateter world number one asayar aküm. Kasa mapang nung Alcaraz-i Wimbledon final nung Djokovic tsükdaktsü aser French Open-a koka liasü. Ajisüaka Olympics nungbo Djokovic-i Alcaraz koka liasü.

2017 küm sülen tang mezüngbuba Djokovic season ka nung Grand Slam title ka danga mebeni tembangtsüba lir. Ajisüaka pa taruba ita Turin nung asayatsü aliba season-ending ATP Finals atemabo qualify asütsü imlar atadar. Iba asayamung nung temaba

“Tarutsü ni mejangja, saka mapangi kechi bener arutsür iba sülen anidaktsü aser taruba küma maneni asayatsü sentong lir,” ta pai Shanghai Masters final nung Sinner makokba sülen ashi.

## BILEMDANGANG

“Mapa ajak temeim agi inyaktsü merangang.”